

**SCHEDIASMA
PHILOSOPHICO-
JURIDICUM DE DONO
PERSPICUITATIS, A
DOCENTIBUS...**

Daniel Friedrich Hoheisel, Valenti
Gonzaga





EPISTOLA DEDICATORIA.

CAROLO LUDOV. HOHEISEL,

GYMNASII GEDANENSIS ACADEMICI

PROFESSORI LINGVARUM ORIENTALIUM ORDINARIO

S. P. D.

FRATRI FRATER.

NOsti in rebus arduis ad Te me confugere, noli igitur mirari, fratrum Suavissime, cur foetus ingenii meus, desertus ab omnibus, loco, ubi pedem tuto figere queat, fere destitutus, in sinum se recipiat Tuum. Loquitur ille de *dono perspicuitatis docentium*, quo adumbrato, non potuere non vitia simul methodi didascalicae apparere. *Judicare* hæc, res est ingenuo homine dignissima; *vitare* eadem, *conscientia* est habere rationem; at *demonstrare* ista, negotium est periculi plenissimum. Hæc pensit^{an}as, ex quo hoc quicquid est scriptionis absolveram, summa cum attentione denuo, iterumque legi: nihil in illa, quod scripsisse poeniteret, nihil, quod lucem deberet fugere, deprehendi, quam-

vis mihi met ipsi parcissime ignoscere soleo. At homines sumus, nostra liberalius aestimamus; alium itaque circumspexi censorem, a quo convinci possem rationibus, ubi errassem: Et ecce! non potui rigidiorum Te impetrare, imo ut magis Te ad acuendos judicandi aculeos stimulare, Tibi schediaasma hoc inscribere non dubitavi. Sum certe monitorum Tuorum ita memor, ut nemo magis, cumque aliquando circa quandam scriptionum mearum intellectum meum, vel voluntatem potius, formasses, effecit id ipsum, ut omnia ejusdem furfuris ex nupera disputatione mea (quæ cum hisce tradatur Tibi) delerem; & quam vellem impurum exemplar ejus a Te conspici! Unicum tamen circa præsentem meditationunculam monitum deprecor, nempe: *Inimicos tibi creas; odia docentium in te convertis*; hæc enim dudum novi, sed mea philosophia superantur. Nosse cupis, qualis sit illa? dicam: Qui vitæ genus amplectitur, cui vires idoneas a supremo Numine impetravit, eum vocationem sequi divinam, atque

atque hujus voluntati suam conformare demonstratum habeo. Deinde mediocres homines in omnibus vitæ generibus catervatim video, quemquam illorum, qui artem suam, humano generi utilem, probe callent, fugiuntque profusionem, egestate laborare, non video. Ist hæc cum ardentissima in Deum fiducia omnem inimicorum invidiam spernere me faciunt: hæ meditationes in altissima quiete constitutum, mira me permulcent voluptate. Morali enim quadam necessitate futurum prævideo, ut quo impensius me oderint innocentem homines, hoc magis meam promoturi sint felicitatem. Vale & me ama.

Halæ Magdeb. d. 22. April 1724.



LECTORI

S.

Proponit HUBERUS in *Digressionibus suis* (P. II. Lib. II. cap. 19.) quaestionem: Cur novaphilosophandi institutio, quæ nostra ætate in plerisque disciplinis mutationem immanem invexit; in Jurisprudentia tamen docendi discendique rationem minus notabiliter invertarit ac mutaverit? Et hujus quidem rei causam in singulari providentia divina quaerit, quæ rationem in homine circa discrimina turpium atque honestarum actionum eandem semper reliquerit, ac superstitem. Instituti mei ratio in lubrica hæc adserta curatius inquirere me non finit; unica saltem objectione nuditatem hujus observationis placet de- tegere. Quis est qui nesciat, non deficere inter Interpre- tes Juris sententias *communes contra communes*; hæc autem quomodo cum ista providentia divina in conservanda ho- minum ratione stare poterunt? Et compilavimus hætenus sententias Doctorum, alienis oculis vidimus, at nihil tam absolum est in Jure, quod non suos nactum sit asseclas, unde quicquid demum statueretur, non novum poterat videri. Recentiores quidem ipsi quædam in inventione veritatum juridicarum tentarunt, at regulis meditandi spe-
ciali-

cialibus destituti, contenti hac: *Lege, meditare, attende, esto diligens*, quam tamen & rustici norunt, quid aliter *rud* poterat evenire, quam ut hodie ita, cras aliter meditarentur, & tandem ipsi nescirent, quanam hypothesis vero esset similior? Affligunt autem jam hæc rempublicam nostram, in qua de incertitudine legum nemo non conqueritur, huic autem medelam adferri nullo modo posse, nisi genuina meditandi principia ad Jurisprudentiam quoque applicentur, demonstratum habeo: utque idem illud aliis pateret, hoc quicquid est scriptionis, per modum prodromi Logices meæ, ubique exemplis ex philosophia morali & jurisprudentia petitis, illustrandæ, publici juris facere nullus dubitavi. Id saltem a Te peto, Lector, ne Tibi stylus oratorius scriptionibus ejusmodi fere indignus, stomachum moveat. Destinaveram enim, quod non dissimulo, præsentem meditationem Programmati, quo lectiones meas æstivas studiosæ juventuti in Academia Fridericiana indicarem; mutato autem dein ob certas causas consilio, nolui hanc inconstantiam mihi quidquam negotii facessere. Vale.

EMENDANDA.

§. IV. lin. 2. legendum *ipse*. §. V. lin. 11. pro *eorum lege enim*. §. VII. lin. antepenult. leg. *concurrat*. §. VIII. lin. 9. pro *Adriani lege Georgii*. ib. lin. 22. princ. leg. *Non* ib. lin. 24. leg. *foricem*. Eod. §. VIII. pag. seqv. lin. 5. post *vestri*, atque *exceptio*: ut & §. IX. lin. 17. post verba: *recte caperet* omissum est, §. X. lin. 20. ab init. leg. *quanos*. Ibid. lin. 29. leg. *Domitianam*. §. XII. lin. 3. abundat *nullus*. §. XIII. lin. 15. lege *appelles*. §. XIV. lin. 5. leg. *singulorum*. §. XXIII. lin. 22. pro *debet lege debent*. Eod. lin. 29. pro *auctori lege auctori*. §. XXVI. lin. 5. pro *probari lege probavi*.

CONSPECTUS SCHEDIASMATIS.

OMnes discentes desiderant in docente perspicuitatem, qua etiam revera totum docentis munus absolvitur §. I. Pauci tamen docentes discentesque intelligunt, quid sit perspicuitas §. II. Illa in folis verbis non est quarendae §. III. multo minus in lingua volubili §. IV. (ut natura perspicuitatis in eruditione pateat, res ab initio repetitur.) Omnis eruditio debet esse utilis §. V. Utilitas in eo consistit, ut ex generalibus principiis de singulis rebus judicium ferre queamus, atque ita etiam Juris scientia utilis est, si principia possumus applicare ad casus obvenientes §. VI. Hoc autem non præstant sola verba, quæ primo intuitu intelligi posse videntur, quod evincitur exemplo communis axiomatis: Error regulariter nocet erranti, & exceptionis: si uterque erravit contractus rescinditur, §. VII. Defectus in obscuritate est. Adducitur aliud exemplum ex Georg. Beyero &c. §. VIII. Doctrina de errore aliter adornatur §. IX. Recensentur ac demonstrantur doni perspicuitatis requisita §. X. Quod tandem definitur §. XI. Commune criterium: aliquem quidem eruditum esse, sed perspicuitate destitutum, inter plebis absurdas voces refertur §. XII. Met hodus perspicua in quo consistat? §. XIII. Quæstio proponitur: an ad perspicuitatem veram faciant exempla & similia? §. XIV. Exempla alteram partem perspicuitatis præstant §. XV. Imo utramque in propositionibus sensualibus, quod illustratur elegantissima quadam meditatione ex ILLUSTRIS DNI. THOMASII Fundam. J. N. deprompta. §. XVI. Abusus exemplorum notatur, eademque non omnem perspicuitatem absolvere, ostenditur §. XVII. Quid præstent similia, accurate quidem, sed brevissimis exhibetur §. XVIII. Locutiones allegoricæ in definitionibus adhibitæ perstringuntur, ubi de definitione obligationis, famæ, infamæ, pretii rerum, §. XIX. Refutantur qui hic ad defectum linguarum, quasi ad sacram anchoram refugiant §. XX. Definitiones recensitarum rerum moralium evidentes exhibentur §. XXI. An hoc sit minutias sectari? an pedantismus? quid pedantismus? an potius dissentientes sint pedantæ? §. XXII. Utilitas ejusmodi definitionum probatur demonstratione: Nullum dari pretium affectionis, ubi de usu ejus in foris Germania §. XXIII. De Perspicuitate in probabilibus doctrinis remissive. Notatur vulgaris obscuritas in conciliandis legibus; Explicatur L. 20. §. 1. de Cellat. Refutatur Beyerus §. XXIV. Perspicuitas docentis inutilis est, nisi attentionem adhibeant discentes; fructus hujus attentionis §. XXV. Ex dictis concluditur perspicuitatem non differre a soliditate doctrinæ, atque ita demonstratur, quod erat probandum §. XXVI.



§. I.

QUotquot hætenus oculis meis auribusque obversati sunt discentes, de suis conquesti doctoribus, totidem audiui obscuritatis hosce accusantes: & quotiescunque collaudantium voces audire sunt mihi, toties ob perspicuitatis donum docentem suum commendarunt; unde non potui non in istam induci sententiam, multum momenti in perspicuitate doctoris situm esse: Paulo autem curatius attendens, omne docentis munus sola hac virtute absolvi, eadem certitudine perspexi, qua bis duo quatuor esse pvideo.

§. II. Albo igitur calculo discipulorum profectus sum postulatam, qui tantopere perspicuitatem in docente flagitant. Sed quo olim Phaëthonti (ut fabula habet) auris vellicabatur: *multa petis Phaëthon*; idem & hisce occinere veritas me jubet. Subsisto, hæsito (dabis veniam homini, Lector, nimium candido) an illi ipsi, qui id desiderant, sciant, quid velint. Si hoc iniquius cuiquam dictum videtur, amplius dicam: Anceps sum ac dubius, an multi reperiantur docentes, qui sciant, quid sit collaudatum illud perspicuitatis donum, & magis vereor, ne illi, qui norunt, mallent id ipsum ignorare.

§. III. Sed occlanatueros mihi suspicor lectores: Qui de perspicuitate differere decrevistis, tot obscuris animos nostros percellis perturbasque propositionibus, ut, quid velis tibi, non constet nobis. Ego vero omnia isthæc verba intelligi posse a lingua Latinæ gnaro penitus confido; literas etiam typographus posuit distinctas: superestne adhuc obscuritas quædam? Et superest omnino: Ergo ista eo redibit, quod nondum probavi, quæ protuli. Agite igitur, Lectores, in dubium vocate hætenus dicta omnia: imo liberalior ero, aërem me verberasse credite, confidite, Jovem jurate lapideum, per me licet.

A

IV. Quam-

6. IV. Quamvis autem ut fidem dictis adhibendam meis suspendatis, ipsi vobis auctor sim: Peropportune tamen aliud quasi agendo id effeci, ut multum laboris lucrata sit meditatio mea. Cum enim ex hactenus dictis sponte vestra intelligatis, in *verbis*, quæ facile legi possunt, perspicuitatem non statim quarendam esse; ex eodem fundamento jam concluderis, non illum esse perspicuum docentem, cui molliter procedit inoffensa oratio. Utut enim vox auditu jucunda, lingua volubilis flexilisque cœleste beneficium reputari, ac supremo Numini accepta referri debeat: Quamvis etiam ejusmodi docens, modo cœtera sint paria, majori cum voluptate audiatur, quam cui verba ita in faucibus hærent, ut identidem vereantur auditores, ne meditatiuncula quadam suffocatus novo mortis genere concidat: Nihilominus tamen videmus, illorum etiam docentium, quibus hac in parte multa ac paria dona naturæ liberalitas credidit, alium alio obscuriorem esse, quod vitium jam non amplius in verbis, sed in *ideis* potius & *conceptibus*, quorum tantummodo involucria verba sunt, latere, evidentissimum est consequens. Et profecto, si dicendum quod res est, in his unice obscuritas æque ac evidentia residet. Quamvis enim aliquis impedita labore lingua difficilique ut nemo inagis, ipsum tamen tempus, idque non longum; sed tertia hora, sed secunda efficiet, ut auditor attentus ac diligens mori ipsius pronunciandi adsuefactus, docentem ejusmodi æque facile capiat ac alium, qui blanda facilitate verba fundit articulata. Quicquid vero horum sit, & licet vel maxime linguæ etiam facilitatem exoptent discennes; hæc sola tamen *loquaces* solummodo efficit homines; loquacitas autem solida scientia destituta minime discentem quenquam eruditum reddit, aut consequenter illam nec perspicuam esse demonstrobo, qui jam in ipsis *rebus* docendo propositis evidentiam quæram.

6. V. Res ab initio repetenda est. De perspicuitate in *eruditione* tradenda me loqui, nemo nisi lippus non videt, & monere supervacaneum foret, nisi in ipsius eruditionis contemplatione parumper esset subsistendum. Illam non nisi multo labore acquiri, notum etiam est iis, qui nihil aliud sciunt. Sed an frustra atque in cassum tot exhaustiendi labores sunt? Profecto aut infelici fidere natus sum, aut labor ejusmodi nil nisi operosa stultitia foret. Ergo negotia facessit eruditio; sed utilia: occupationibus nos distringit; sed nostræ, sed aliorum (neque enim nobis nati sumus) veræ felicitati inservientibus. Si quis fidem habere mihi contempserit, videat ne agricultores ipso prudentiores evadant. Quis eorum mare aratro findit? Lapidibus injicit semina quis?

Omnes

Omnes spe messis alliciuntur; nemo, nisi lucri expectatione permul-
fus, fatigatur. Sit itaque & eruditioni sua utilitas, ne jaceat contempta,
& erit jam illa *judicioſa veritatis cognitio, illum certitudinis gradum,*
quousque hominibus pervenire datum eſt, adſecuta, ad humani generis pro-
movendam felicitatem.

§. VI. Quod ſi igitur ad felicitatem noſtram ac aliorum, qui no-
biſcum comuni generis humani nomine veniunt, eruditio facit; appli-
cabilis ſit, neceſſe eſt: tunc autem applicatur, quando ex *generalibus*
ipſius præceptis de *ſingulis* rebus judicium ferre poſſumus. Cur, quæſo,
experitur, atque ex experientia tum ſua, tum aliorum generalia ſibi for-
mat principia in medicus? niſi ut de *ſingulis ſingulorum morbis* comu-
dum ferre judicium, ac *medicamenta* ſeligere malo attemperata queat?
Cur ratiocinatur politicus, niſi in *ſingulis intentionibus ſuis media* ad ob-
tinendum *finem* quam commodiſſima ſelecturus, & de *aliorum mediis*
ſinibusque laturus ſententiam? Cur ethicus expendit paſſiones homi-
num, cur voluntatis humanæ abdita penetralia perluſtrat? niſi *ſingulas*
iſtas uſtiones, quæ ſuæ, quæ aliorum tranquillitati animi remoram
objiciunt, debilitaturus, *aliorumque paſſiones* in ſuum converſurus com-
modum? Fruſtra eſſet Logicus, niſi judicandi principia ſectaretur,
eadem ad *ſingulas veritates, ſingulosque errores* applicaturus. Et quid
tam diu circa alias diſciplinæ hæreo? de *Juriſprudencia* potius dicen-
dum eſt. Cur vaſtum ipſius ambitum animo complecti laboramus,
niſi ut de *ſingulis* hominum negotiis, quæ naturalium *legum* civilium-
que *moderationi ſubjacent*, judicaturi? Rimemini hæc probe, Lectores;
ſi negatis, quæ modo adſerui, juriſprudenciam pariter operoſam ſtulti-
tiam efficitis; ſi conceditis, audite porro.

§. VII. Telam, quam §. 4 *princ.* exorſus ſum, pertexam. Non
eſt cur putetis ſolam verborum, quæ legi poſſunt, quæ audiri, quæ idio-
mate vobis noto concepta ſunt, elocutionem id utilitatis vobis præſtitu-
ram. Sic regula commendatur a multis: *Error regulariter nocet: er-*
ranti, i. e. is, qui contraxit, ad promiſſum ſuum *ſervandum* manet ob-
ſtriſtus, etiam cum damno ſuo, tameſi, cum contraheret, falſum pro vero
ab ipſo ſupponeretur. Clara hic omnia primo intuitu videntur, ſed
videamus, an regula poſſit applicari? formeus *caſum*: Titius homo
Batavus emit in Imperio Rom. Germ. equum, convenit inter ipſum &
venditorem de pretio C. florenorum. Cum ſolutio facienda, emptor
contendit, ſe florenos, quales in patria ſua in uſu ſunt, intellexiſſe; ven-
ditor florenos Imperiales, poſtulat; quiſque ad contractum ſervandum
alterum

alterum vult adigere. Error adest, sed applicate, quæso, regulam vestram: *error regulariter nocet erranti*. Cui autem nocebit? Fortassis vobis commendata fuit alia regula: *si uterque erravit, contractus est rescindendus*; sed & hæc applicari non poterit, tametsi enim vel maxime casus ejusmodi contingat, atque alter contrahentium errorem suum parum moretur, adhuc tamen alterum ad servandum contractum poterit adigere. Equidem id facile largior, *mutuo* utriusque *consensu* a contractu denuo recedi posse, sed id etiam in contractu *firmiter* ita se habet, nisi tertii aut reipublicæ interesse concernat. Cum igitur utraque *regula applicari* nequeat, consequens est, illam ad veram eruditionem non spectare (per §. 5. & 6. in fine.)

§. VIII. Facili autem negotio ostendam defectum hujus doctrinæ in obscuritate situm esse, neque enim patet, quid sibi velit illud: *regulariter*. Et tametsi ejus loco: *In dubio, plerumque, communiter*, imo sexcenta alia æquipollentia verba addantur, nullo tamen horum conceptus clarius efficitur. Sed fingamus etiam, docentein adjicere: verbum *regulariter* omnes illos complecti casus, qui exceptionibus adjectis non comprehenduntur, adhuc tamen *obscurum* manet, cur isti potissimum casus a regula sint excepti, nonne plures sint, nonne pauciores. Ad manus mihi sunt *Adriani Beyerii* Posit. ad Dig. ubi similis regula occurrit *Tit. de Curat. bon. dando*. *Quicquid juris est in curatore minoris, id in dubio obtinet in curatore bonorum, nisi subsit ratio disparitatis*. Succurrit mihi alia lepida fabula, quæ cum apprimè hujus loci sit, quo minus subjiçiat nihil obstat. Hisce meis oculis auribusque usurpavi, aliquando docentein quendam auditoribus suis tradidisse regulam, subiecta exceptione, cumque utraque in isto, quod explicabat, compendio legeretur, ut tamen aliquid declarationis loco adferret, in hæc erupit verba: *Eadem ratione res hic comparata est, uti in Grammatica; in hac proponitur NB. regula: Mascula sunt panis, penis, crinis, cinis, ignis, & sic porro, deinde subjiçuntur exceptiones: ita quoque in Jure proceditur*. Hactenus ille; Tu vero cogita, quæso, quantum artificii fuerit, ad ista, vel cum admorsu labiorum, risum cohibere. Nam jam dicam, ipsi infelicem *Præceptorem* Grammatices obtigisse, qui illud: *mascula sunt*, pro regula venditaverit; nec monebo, docentein hunc ut foritem se prodidisse, quod modum conficiendi *regulas* atque *exceptiones* juxta cum ignarissimis sciret; unicum urgere hujus loci est: A scientia *Grammatica* ad *judiciosam* veritatum *juridicarum* & *moralium* cognitionem argumentari velle, nihil aliud est, quam immane quantum

quantum insanire. In Grammaticis circa *verba* sumus occupati, quorum compositioni solus *usus* isque *arbitrarius* ac *fortuitus* præscripsit leges, quem *penes arbitrium est*, & *jus* & *norma loquendi*: At in judiciosis scientiis addiscendis, longe aliter se rem habere nemo nisi lippus non videt, ibi nimirum si quæ *regula* traditur atque *exceptio* semper *ratio diversitatis* a priori demonstranda est, ut sciat discens, quando regulam, & quibus casibus exceptionem applicare debeat, imo ut etiam in ista doctrina acquiescere & certo intelligere queat, non plures subesse exceptiones.

§. IX. Cum autem non vitiosas aliorum doctrinas denudare, sed meliores substituere sufficiat, ostendam jam, utut brevissimis, (alia enim occasione de effectu doli & erroris in contractibus fusius agam) quomodo doctrina de errore in contractu, sine dolo tamen alterius contrahentium, admisso, emendari possit. Consideremus saltem naturam *pacti* sive *contractus*, de quo ibi quæstio occurrit. Est autem *pactum plurium* (quam unius) *in idem placitum consensus* (Hæccene jam sufficiunt? Vulgo creditur, sed quis diceret illos *pacisci*, qui *eadem cogitant & concludunt*? itaque pergendum:) *invicem signis externis declaratus*, (jam forte res expedita est? Imo vero paciscerentur tali modo homines, qui in templo *conveniunt*, & simul *cantant*. Ergo adde:) *atque ab eo, qui exinde jus aliquod acquirere vult, animo sibi alterum obligandi acceptatus*. Dixi in pacto & contractu occurrere plurium *in idem placitum consensus*, ex quo consequitur, ubi plures in *diversa placita* consentiunt, ibi *nullum* adesse *pactum*: Ergo & nulla erit *obligatio ex pacto*, quare si per *errorem* (forte quod alter alterius mentem non recte caperet aut alium quemcunque) factum est, quo *minus in idem placitum* consentirent, pariter *pactum nullitate* laborabit: Cum igitur *emptionis placitum* tale sit, ut de certa re pro *certo pretio* transferenda inter emptorem & venditorem convenire debeat, consequens est, inter Batavum istum & venditorem, in dato exemplo §. 7. nullum intercessisse pactum, cum de *codem pretio* invicem non conspirarent. Sic quoque si quis *Stichum* servum emeret ab aliquo, ipso mancipio non presente, deinde autem alium servum ipsi offerret venditor, qui etiam *Stichus* vocaretur, emptor autem se alium intellexisse diceret, & postmodum appareret, istum jam manumissum esse, pariter deficeret contrahentium *in eandem mercem consensus*, atque exinde infiniti casus decidi possunt. E contrario vero si forte aliquis equum emit, nuncio accepto, domi equum suum periisse, id *contractui* non nocebit, adeoque firma erit obligatio.

§. X. Hactenus quidem dicta eo faciunt, ut pateat, quid ad perspicuitatem requiratur. Doctrina utilis esse debet, adeoque necesse est, ut queat *applicari*. Unde ante omnia discens *intelligere* debet, *quid* ipsi proponatur: sed non intelligit, nisi in singulis propositionibus & *subiecti* & *prædicati evidens* in ipso excitetur *conceptus*; ad quid vero hæc evidentia juvat, nisi simul constet de *nexu* inter utrumque? tunc enim demum patet, propositionem aliquam *veram* esse, adeoque eam *applicari debere*. Sed quænam docentis facultas ac vis id officii præstabit? Sane in *mente* ipsius quærenda adminicula esse, per se patet: at mens humana tribus prædita est facultatibus: *memoria, ingenio, judicio*; *memoria servat ideas promiscue sibi quomodocunque oblatas*: Sed *promiscuas conjungere ideas*, quid habet *veritatis*; quid *evidentia*? *Ingenium varias ideas ob qualemcunque similitudinem invicem componit*: At illa verum cum in *omnibus rebus* deprehendatur; (nihil enim usque adeo ab altero remotum, ut non in qualicunque *tertio comparationis* utrumque conveniat) *qualiscunque idearum* invicem junctarum *similitudo* non evidentes præstabit propositiones: Et imo ridemus ideo ad stultorum morionumque voces, quia insperatas adeoque nos delectantes rerum similitudines excogitant; ex eodem fundamento, accedente saltem superbia, qua nobis præ aliis efferimus, omnis error nobis ridiculus videtur, quia solo ingenio operante, erroneæ propositiones constantur. Superest itaque *judicium* sive illa *mentis humane facultas, quæ ab ingenio promiscue compositas ideas ad invicem examinat, & connectendas conjungit; alienas removet*. Hæc est illa mentis nostræ nobilissima pars, quæ homines a brutis, canibus, furiis, imo, quæ sanos a furibundis distinguit, nam ne hi quidem *ingenio* ac *memoria* destituuntur: Ab hac igitur expectanda sunt illa, quæ ad perspicuitatem doctrinæ desideravimus. Tu dices: sed eritne *judicium* sine *memoria* atque *ingenio* huic operi par? Quæstionem proponis Domitianum; Responde: Estne sartor ad id habilis, ut vestem conficiat sine materia? Si negas, insto: At qui confecit materiam, potestne is dici confuisse vestem; nonne nihilominus sartor effecit, ut sit vestis? Hoc volo: Omnino *memoria* æque ac *ingenium* ideas congerere ac subministrare *judicio* debet, cum ex nihilo nihil fiat; sed illas in ordinem redigere, componere, separare, id opus, hic labor est, hoc perspicuitatem constituit, sed & hoc solius *judicii* est opus. Cæterum quando de *donis* perspicuitatis loquor, plus innuo, quam unius alteriusve propositionis evidentiam, potius conformitatem plurium actionum constantem ac perpetuam, quantum hu-

mana

mana imperfectio patitur, intelligo, h. e. habitum, vel saltem dispositionem habitui proximam, sive perfectionem ac *promptitudinem agendi multo exercitio acquisitam.*

§. XI. His ita præmissis, nihil definitione *doni perspicuitatis* facilius evadit. *Est* quippe nihil aliud, quam *habitus intellectus, speciatim judicii, animi sui sensa cum aliis ita communicandi, ut singula ideas, quas verbis exprimimus, earumque invicem nexus accurate intelligi queant.* Omnia, quæ in hac definitione occurrunt, ab ovo usque ad mala prosequi velle ac explicare, nihil aliud esset, quam totum quantum tradere ratiocinandi artificium. Potiora saltem plana reddere animus est, atque imprimis spurias quasdam enumerare perspicuitates, quibus incautis discipulis glaucomata obijciunt docentes, eaque omnia sincere & sine omni cujusquam odio; innocentissima potius simplicitate ac Germano homini digna fide peragam: ceterum nihil dicturus, nisi quod *demonstravero.*

§. XII. Ostendi jam (§. 10.) perspicuitatis donum *habitus judicii* supponere, ex quo statim evidens sit, ab iis, qui expectant iudicium, frustra perspicuitatem expectari. Porro cum nullus nullus *plane habitus*, quisquis ille sit, sive corpus adficiat (ut habitus commode saltandi) sive in mente resideat, aliter quam *crebro exercitio* acquiratur; illi autem, qui non nisi *legendo, excerptendo, compilando* occupantur, memoriam *exerceant* quidem, non autem *judicium*; ejusmodi animalia, quæ gregatim pascuntur, atque antecedentium sequuntur multitudinem, pariter ad perspicuitatem *inepta* esse, quis est, qui non videat? Denique cum perspicuitas sese *exserat* in eo, quando *animi nostri sensa cum aliis communicamus*; illam ante omnia in *mente docentis claras* supponere *ideas* consequens est, quod enim in mente deest, id depromi ex eadem per rerum naturam nequit. Cave igitur imponant tibi ineptæ plebis voces, subinde dicentis; hunc vel illam egregium quidem atque eruditissimum virum esse; sed dono perspicuitatis destitui: Persuasum potius habeto, ejusmodi hominem, quisquis sit, virum esse, qui multa *verba memoria* sibi mandavit, nihil suo adsecutus iudicio, inde & multa quidem verba effatur, sed sine sensu: proponit varias meditationes, vel meditationum potius simulacra; sed nunquam nexus inter antecedentia & consequentia, imo inter subjectum & prædicatum, quæ in propositione combinantur, patefecit: bonus enim iste vir isthæc omnia ipse ignorat. Atque hæcenus quidem imponat discipulis *beata memoria* homines, non quidem sub

sub specie *claritatis*, sed saltem *eruditionis*, quæ tamen & ipsa est *iudicioſa veritatis cognitio*: Impoſſerum potiſſimum cum *ingenioſis* mihi negotium erit, illi enim imprunis ſunt, qui *perſpicuitatis donum* devoraffe, videri volunt.

§. XIII. *Verba* ad communicationem idearum noſtrarum cum aliis deſiderari, res ipſa loquitur; occurrunt quidem & alia ſigna, uti in Jure in computatione graduum figuras quasdam adhibere ſolemus: ſed circa hæc ſigna hæcere operæ pretium non foret. Videamus itaque ſaltem, quomodo *verba* comparata eſſe debeant, ut *evidentia* ab iis queat ſperari. Expoſui autem illud jam in definitione, requiri nimirum 1) ut *ſingulaſ ideas accurate expriment*, 2) ut *earum invicem nexum demonſtrent*. Per poſterius demum *evidentes* redduntur *propoſitiones*, at hiſce tota quanta eruditio conſtat: hoc tamen impetratu impoſſibile eſt ſine priori, niſi enim *ſingula� ideaſ* accurate intelligantur, quomodo apparere poterit, quænam invicem ſint *connexæ*, quæve *repugnantes*? Utrumque autem in meditatione demonſtrativa ſit, ſi *ſingulaſ*, quæ ignota ſunt, accurate *deſiniuntur*, *deſinitionibus* antea *demonſtratis*; ex hiſ deſumuntur deinde *axiomata*, quæ ſive hoc nomine apelles, ſive *requiſitaſ* ſingularum rerum eſſentialia, ſive *principiaſ*, ſive aliter vocaveris, nihil refert, atque inepti hominis foret, ejusmodi denominationibus iracſi velle: denique ſi ex axiomatibus *conſectariaſ* ſive *concluſiones* deducantur, in quorum numero & ipſas *diviſiones* eſſe, hoc magis notari meretur, quo frequentius id vulgo negligi ſolet.

§. XIV. Hæc autem meditandi methodus paulo difficilior eſt, & vel ſolæ *deſinitiones* multum attentionis requirunt, ita ut plane perſuaſus ſum, multos docentes proprio Marte vel unicam accuratam definitionem minime compoſituros, ſi vel vitam ſuam tali modo poſſent redimere. Deinde etiam nexus ſingularum conſectariorum plus *affiduitatis* requirit, quam perferre *ingenioſi* homines poſſunt, in quorum cerebro hypotheſes inſtar fungorum naſcuntur: Quodſi igitur ipſiſ aliquid probandum eſt, conſeſtim ex ingenio ſuo hiſtoriolas quasdam ſeu *exemplaſ* ac *ſimiliaſ*, quæ in numero habent, deponunt. Et notum eſt, *ſimiliaſ* atque *exemplaſ*, ſi non probent, ſaltem *illuſtrare*, unde facile perſpicuitatis laudem ab auditoribus ſuis conſequuntur, quo jure, quæve injuria, ſtatim videbimus.

§. XV. Quod modo adduxi de *exemplis* & *ſimilibus* diſterium, in quantum ore eſt; an a multis intelligatur, vehementiſſime dubito:

imo

imo an illi ipsi, qui illud olim excogitarunt, accurate perspectum habuerint, quomodo *probatio* differat ab *illustratione*, nihil ausim decidere. Tam autem de exemplis quam similibus quid sentiendum sit, exponam. *Exemplum* (generalius acceptum) nihil aliud est, quam *species aliqua generali propositione, ejusque imprimis subiecto contenta*; speciatim vero accipitur pro specie quadam infima, aut plane *individuo*, generali quadam idea comprehenso; atque huc spectant *casus*, quæ a docentibus subinde formantur, & quorum nos supra quosdam exhibuimus. Ita enim comparatum est cum abstractionibus istis generalibus, quas mens nostra e rebus *sensu perceptis*, (quæ semper *individa* sunt) sibi format, ut non statim audientis animus tantæ capacitatis sit, ut omnes sibi, imo ut quasdam concipere queat species, quibus abstractio, quam audit, debeat possitque applicari. Sic si *affectionem* (de qua sermo est in doctrina de *pretio affectionis*) definitio per *desiderium hominis rem aliquam sibi habendi, ut memoriam circumstantia alicujus, quæ ipsum in specie afficit, tali modo conservet*: Non statim quilibet lector adsequitur, quid sibi velit ista *circumstantia certum hominem in specie adficiens*: Sed si *exempla* allego, res clara fit. Sic v. gr. *Titius affectione prosequitur equum, qui ipsum in periculo servavit; alius certum vas aureum diligenter custodit, quod ipsi a persona dilecta donatum est, & sic porro*. Atque ita patet, exemplorum allegatione id *perspicuitatis* præstari, ut ipsæ dicentis *idea* accurate intelligantur; hoc autem nondum omne evidentiæ munus absolvitur, cum caput rei sit, ut in singulis propositionibus prædicati cum subiecto *nexus* capiatur, utpote ex quo unice illorum veritas pendet: operæ igitur pretium est indagare, an id mediante exemplorum adductione efficiatur.

§. XVI: Omnem omnino cognitionem nostram a sensibus incipere certissimum est, & serio negari a nemine potest; at in sensus incurrunt solummodo *individa*, h. e. exempla, unde ab his nostram oriri scientiam consequens est. Ergo si prædicatum aliquod *omnibus* istis *individuis*, quæ generali aliqua abstractione seu genere deinde complectimur, ita competit, ut nulla allegari queat instantia, h. e. exceptio in contrarium, tunc propositionis veritatem mediantibus solis exemplis probari nemo negaverit. Sic si videmus in *cibo, potu, prospectu, ludis*, imo in omnibus iis, quæ ad *delectationem sensuum externorum faciunt, variationem objectorum*, quibus delectamur, identidem nos ad appetendum stimulare, ita ut semper magis magisque cupi-

cupiditas nostra in nobis accendatur, recte *solis exemplis* probatam hanc universalem formamus propositionem: *Cupiditas humana, qua ad delectationem per sensus externos percipiendam, ferimur, crebra obsectorum variatione excitatur potius, quam restringitur*; exinde autem concludimus, in voluptate Venerea eodem modo se rem habere: ast cum id ipsum tranquillitati animi nostri, adeoque veræ felicitati obsit, vagos concubitus, polygamiam, crebraque divortia vel ex hoc fundamento voluntati divinæ repugnare, sola prælucente ratione cognoscimus. Habet hæc demonstratio, quantum mihi notum est, **ILLUSTREM DN. THOMASII** primum auctorem, eademque evidentissima est. Aliud specimen ejusmodi demonstrationis, cujus prima propositio per exempla ex sensibus petita probata est, invenies in *programme meo de incestu* superiori anno edito, ubi per omnium animalium exempla evinco: *Decum animalibus illum indidisse stimulum, qui non solum ad procreandam sobolem, sed simul ad conservationem ejusdem sufficit &c.*

§. XVII. Tu vero ex dictis concludes: Ergo & *probant exempla*, adeoque utranque in evidentia paginam faciunt. Et ita est, sed in propositionibus tantum, quas *exensione immediate* nobis formavimus, quo etiam omnes *res facti*, uti vocari solent, referendæ sunt: nequaquam vero in brocardicis Juris aliisque propositionibus moralibus. Sic si quis ad probandum adfertur, quod supra refutavimus: *Error in dubio nocet erranti*, vel decem proferret exempla, nihil tamen minus inde, quam veritas istius propositionis elucesceret. In mea quidem, quam calleo, Logica, ejusmodi probatio *circulus* audit. Nam *casus dubios* decidere *ex propositione, æque dubia*, & hanc probare *ex decisione casuum*, quid aliud est, quam apertissimum, & quidem sine ambagibus, circulum formare. Nec id ignorant docentes, unde ne pateat ipsoꝝ fucus, confestim ab ingenio suppetias quærunt: proferunt nempe casus auditu jucundos, fingunt in illis varias circumstantias, quas non sperasset auditor, quæ quidem omnes nihil ad rem faciunt, sed ob id ipsum, quia nihil faciunt, atque insperatæ prorsus sunt, risum movent. (supra §. 10. circa fin.) Interim aliquid fit, transigitur hora, atque auditores varietate rerum permulsi, & largo exfatiati risu recedunt. Scire autem vis, quid agant ejusmodi homines? dicam ingenue: Faciunt discentes resumere teneram istam xtatem, qua parvuli pusiones crepitaculis ludebant; hæc ipsis tradebantur in manus, ut *desideris* suis, quod lachrymas exprimebat, *obliti*, acqui-

acquiescerent. Et eodem modo hi homines *attentionem* auditorum suorum *in alia omnia* dirigunt; interim, quam mereri non poterant, gratiam ipsorum suffragantur, obliiti illius aut ignari, quod acute *Seneca* dicit: *interfit aliquid inter clamorem theatri & scholæ.*

§. XVIII. Ad similia quod attinet, illa eatenus claritati inserviunt, quatenus efficere possunt, ut *possibilitas* alicujus adferti pateat; deinde ut evidens fiat, unam rem cum alia in *effectu* convenire, quo facit simile, modo a me allatum, cui tamen præmissi demonstrationem; denique & loco *instantiarum*, quas vocamus *ad modum concludendi*, inserviunt, adeoque in *refutatione* major eorum usus est, quam in meditatione Synthetica: Quæ omnia in Logica mea fufius exponam. Postremi tamen asserti unicum dabo exemplum. Sunt, qui principiis religionis Christianæ repugnare putant, revocationem injuriæ judicialiter petere, actionem enim hanc non nisi ad meram *vindictam* tendere contendunt. Equidem nullam hic vindictam, sed solummodo damni dati reparationem video, si quis ab altero v. gr. infami furis nomine sit traductus, & jam ab aliis quoque talis habeatur, is autem, innocentem se sciens, revocationem efflagitet: Sed, dicunt, *fama non potest a quoquam nobis adimi.* Hoc refutare soleo (præmissis aliis argumentis) etiam per instantiam ad modum concludendis; Eadem ratione se hoc ratiocinium habere, acsi quis ita concluderet: Abstulit tibi fur C. thaleros, *ius domini tibi integrum manet* atque illibatum; Ergone vero istos thaleros repetere vindicta est, & religioni Christianæ repugnat? Nihil ad id excipi potest, præter hoc unicum: dominium inutile esse, si careat effectu; sed & eodem modo fama non prodest, nisi quis effectibus integræ famæ in republica secure frui queant, qui per ejusmodi injuriam alicui intervertuntur.

§. XIX. Sed ne quidem efficiunt similia, ut quis evidentem rei alicujus conceptum sibi possit acquirere, supra enim jam notavi, nihil non invicem convenire in quodam comparationis tertio. Inde quivis ferre poterit judicium de definitionum soliditate, in quibus locutiones occurrunt allegoricæ. Certe cum definitio fundamentum sit omnis accuratæ meditationis de re illa, quam definimus, consequens est, ibi imprimis locutiones occurrere debere, evidentem definiti conceptum exhibentes. Et in jurisprudentia nihilominus hujusce fursuris definitiones frequenter discantibus obtruduntur. Sic *obligationem* definiunt per *vinculum* juris: Anne autem hoc sericeum sit, num forte catena ferrea, non exponunt. Famam multi cum *Pufendorffio* vocant *valorem*

dominum moralem, eamque *instar pretii rerum* esse contendunt. Sed an homines liberi venduntur, & quanti jam constat fama? *Infamiam* definiunt per *maculam*, *labem*, qua quis *notatur*, quæ alicui *impingitur*, *infligitur*, *inuritur*, & sic porro. Cujusnam vero *coloris* hæc *macula* est? At, inquis, *colorem* non habet, sed *moralis* est *macula*: Ita vero nihil ad *adici*, qui necdum *evidentius* intelligo, quid sit *infamia*. Imo ipsum *rerum pretium* vocant *valorem* quendam *rerum*, h. e. obscurum per obscurius exponunt.

§. XX. Ipsi quidem prævident hæc objectiones, adeoque de aſylo sibi mature prospexerunt. Dicunt enim idiomatica *defectu verborum* laborare. Et fateor quidem occurrere in singulis linguis vocabula varium admittentia significatum, ubi defectum vocabulorum innuit, non singulis significatibus nomina sua fuisse imposita: interim nondum audiui, aliquem *devorasse* libellum, qui *actionem* *edere* jussus fuit: aut aurifabrum, *funda* includere geminas in mandatis habentem, illas *funda*, qua lapides projiciuntur, indidisse. Ac profecto nullas apud dissentientes mererer grates, si quemquam eorum ad prandium mecum capiendum invitarem, *lupos* ipsi promittens, deinde *lupos* animalia sylvestria, aut *lupum*, ex quo cerevisia coquitur, vel plane *araneas*, quæ etiam *lupi* vocantur, (elegantia fercula!) propinarem; nec moraretur is excusationem meam, si vel maxime defectum *lingue Latine* allegarem. Scilicet isti, quæ in linguis occurrit, æquivocationi facile per *substratam materiam* in media adfertur, cum plerumque res toto cælo ab invicem diversæ eadem appellatione veniant: Reliquæ autem homonymiæ vel ab *oratoribus*, vel ex alia quadam *fraude*, cujus in Jure Canonico larga exemplorum messis est, vel denique ad velandam *superficiariam notitiam*, atque ut is aliquid dixisse videretur, qui revera nihil dicit, & res omnes perfunctorie perque (quod ajunt) transennam contemplatur, inventæ sunt. Quicquid vero horum fuerit, *ideo definimus*, ut istæ *æquivocationes evitentur*. Jam vero in *differentia specifica* propriæ locutiones necessario adhibendæ sunt, cum alias conceptus perspicui rerum sibi nullo modo queant: *genus* autem abstractio est, quæ rei definiendæ cum aliis rebus est communis, hunc conceptum aliter quam *mediantibus verbis* nemo sibi in ulla aliqua scientia, minime omnium vero, in rebus *moralibus* formare per rerum naturam potest, quæcunque enim ex sensatione oritur idea, vel unum aliquod individuum, vel rerum moralium *unicum effectum* nobis sistit, id quod etiam B. Titium eo perduxit, ut istas res morales v. gr. *dominium*, *imperium* &c. non fuisse in sensibus

sensibus existimaret, cum ego e contrario in collegiis logicis meis demonstrem, impossibile esse, ut is, qui *tantum surdus simul est & cecus*, conceptum sibi *ullius dominii* formare queat, utut reliquis sensibus non destituatur. Ex hisce autem consequitur: eum, qui *abstractionem* hanc *generis* nomine venientem *eloqui* non potest, nunquam sibi istum conceptum formasse, adeoque obscuritatem non in defectu linguarum, sed distinctarum idearum in mente loquentis quærendam esse.

§. XXI. Ut autem ad oculum pateat, verba in datis exemplis non deficere: definitio *obligationem per necessitatem agendi a lege impositam: Famam* dico *jus esse, bono civi competens, postulandi a reliquis civibus, ne signis externis declarent ipsum pro malo cive, ac societate civili indigno haberi, ut securitate ac tranquillitate in republica frui possit.* Cum sit *jus boni civis*, sequitur, si quis bonus esse desinat, h. e. talia committat facta, ex quibus colligi possit, malitiam ejus reliquis metuendam fieri, eumque ad bene faciendum ineptum censendum esse, hoc *jus* quoque *expirare*, tunc autem adest *infamia facti*, cujus jam facilis est definitio. Porro cum fama sit *jus civis*, & jura vero civium a Principe, & qui ipsum repræsentant, ipsis auferri queant, ita ut omnibus NB. in ista civitate careant effectibus; clarum sit, in quo *infamia juris* consistat. Sed de his omnibus, ut & de pretio rerum specialibus dissertationibus data occasione fusius agam. Superest, ut pretii rerum adhuc subjiciam definitionem: intelligo autem tale, quod in animo habemus, quando quærimus: *quanti hanc rem æstimas?* Atque hoc *pretium* est *unius rei*, quæ nostræ subest *dispositioni*, cum alia *comparatio*, cum in *finem* facta, ut, si una cum altera permutetur, in *contractibus onerosis* obtineatur *proportio*. Hinc apparet, quid sit *pretium eminens*, nempe comparatio rerum uterunque utilium cum nummo; quid vulgare, scilicet comparatio aliarum rerum, quæ nostræ dispositioni subjacent, inter se. Sed hæc fusius exsequi instituti ratio non patitur.

§. XXII. Videor autem mihi audire murmura eorum, quibus perspicuitas ejusmodi forte paulo difficilior foret, & quæ non sinit grassari, sed saltem serpere ad famam; illi autem procul dubio dicent, hoc nihil aliud esse, quam minutias sectari, imo pedantismo frustraneam operam impendere. Satisfacere hisce objectionibus, dummodo mihi constaret, quid pedantissimi nomine ejuscemodi hominibus veniat. Si quid video, *pedantismus* nihil aliud est, quam *vittum eorum, qui eruditi videre volunt, atque obscientiam multarum rerum, sed inutilem, fastu superbiunt.* Jam vero supra demonstratum dedi, neglectum hujus, quam commendavimus, methodi efficere, ut quæ Dictatoria voce discantibus in-

culcantur, *applicari* ad negotia emergentia nequeant, & consequenter isthæc omnia *inutilia* fiant: Porro vagarum propositionum, quibus sexcentæ subjiuntur limitationes, traditio efficit, ut iis *obru* memoria discentis, atque ipsa verborum *multitudine* confundi debeat. E contrario autem demonstrativæ methodi fructus est, ut semper discens sibi met ipsi formare conclusiones possit, quæ rite positæ fundamentis facillimæ sunt, quibusque nectendis mediante hac docendi methodo studiosi aliud quasi agendo paulatim adsuefiunt: Unde jam evidentissima ratione concludo; iis ipsis, qui laudatam flocci faciunt methodum, cum nec *multitudine* rerum careant, & illæ mirifice sint *inutiles*, ad reportandum summo jure pedantiarum elogium nihil deesse præter *superbiam*, de qua forte ex jactantia judicium ferri poterit.

§. XXIII. Juvat vero unico exemplo comprobatum dare, accuratam rerum adumbrationem, quæ sit mediante definitione, apprimè utilem esse. Maneamus in ultimo *pretii* exemplo. Dixi, illud consistere in *variarum rerum, quæ nostræ subjacent dispositioni, ad invicem facta comparatione*. Hoc axioma nemo in dubium vocabit, quisquis perpendit, pretia a nobis exquiri mediante quæstione: *quanti rem æstimas?* ad hanc autem *impossibilem* esse responsonem, nisi *comparatio* fiat cum re alia, hodie quidem fieri solet cum nummo. *Affecti*onem, quæ in res dominio nostro subjectas cadit, semper *supponere certas rei alicujus circumstantias, cum in specie adficientes, qui talem conservare sibi cupit*, supra §. 15. indicatum est. Inde patet, quomodo affectio hæc differat a singulari utilitate, quam quidem etiam res aliqua ob *certain circumstantias* præstat, sed quæ ita comparatæ sunt, ut si una cum illis res ista alienetur, ista *utilitas rei singularis* ad *quemcunque* perveniat *possessorem*. Sic si ex *quadrigis ejusdem coloris & formæ* unus surreptus sit *equus*, hic majoris pretii æstimatur, quam si quis *unicum* tantummodo habuisset, quia & reliquorum *trium* equorum pretium jam *imminutum* est: hæc autem utilitas comitatur quemvis istarum quadrigarum emptorem. Similia exempla in Jure de *servis comædis, symphoniacis* &c. occurrunt, prouti & Romanorum *as Corinthiacum*, & nostris temporibus *nummi rariores*, imprimis si *seriem* quandam *Imperantium* sistant, in hanc classem referri debet. At ubi *affectio* proprie sic dicta adest, ibi *desiderium* habendi certam aliquam *rem* afficit, atque istas *circumstantias*, ob quas res talis a *certo homine* appetitur, non *supplet* res alia; Ergo *nec datur comparatio* hujus *affecti*onis ad *rem aliam*, imo nec ad nummum, ut nunquam aut alia res *supplere vices* prioris queat. Ergo *pretium affectio-*
nis

nis in nullas plane res cadit. Equidem apud Romanos id mediante juramento in litem determinatum atque exactum fuisse scio, sed hæc actio revera *penalis* erat, ad poenam auctori applicandam tendens, cujusce generis actiones moribus Germanicæ (quos eleganter recenset *B. Schilzerus* Tit. de in lit. jur.) incognitæ, non nisi per imperitiam interpretum Juris ad patriciæ fora pertractæ sunt. Et revera *in praxi* non *ad affectionis*, sed *singularis utilitatis* pretium exigitur, talis autem utilitas *doceri* potest, atque in *communi* rerum *pretio* fundatur, adeoque ne quidem *juramento* opus habet. Sed de his omnibus fufius alibi dicam.

§. XXIV. Hactenus adducta ad demonstrationem spectant. Agendum adhuc foret de evidentia in doctrinis *probabilibus* adhibenda, imprimis in probabilitate *politica*, *historica* atque *hermeneutica*, quibus in Jurisprudencia carere non possumus: Sed evasit jam meditatio mea istos cancellos, quos ipsi præscriperam, quare saltem eo nitendum est, ne nimium quantum eosdem excedat. De interpretatione legum tantummodo pauca delibabo. Nimium est quidem meditatio hermeneutica probabilis; ista autem probabilitas non ulterius, quam usque ad *sensum* legislatoris indagandum, extendi debet: Hoc cognito, quæ deinde ex Lege concluduntur, *demonstrativa* ratione ex *hypothesi* fluere debent. At quot quantique hic occurrunt paralogismi, quibus obscurum nomen: a *contrario sensu*, item *argumento legis* inditur, ad quas ratiocinationes intelligendas lucerna *Diogenis* opus foret. Sic quoque quando in conciliandis legibus versantur doctores, solent vulgo effingere *distinctiunculam*, atque ut aranea fila sua ex se fugere. Exemplum dabo: Controversia est; an liberi debeant conferre, quæ per *donationes inter vivos* a parentibus suis acceperunt. Analogia Juris, interque liberos servanda æqualitas affirmativam sententiam suggerit, quæ etiam ex *L. 13. C. de Collat.* evidentissime probatur: Sed obstat in eodem *Tit. L. 20. §. 1.* Hanc ut concilient, distinguunt nonnulli inter rem *ex propriis parentum bonis* donatam, & rem *pecunia patris a tertio emptam*, atque *ita demum dono* liberis oblatam. Si *rationem diversitatis* quæris, alium silentium; si *fundamentum dividendi* expiscaris, magis inuti sunt, quam pisces: Et tamen *Georg. Beyerus* (in Posit. ad ff. Tit. de Collat.) fidem non vult habere *Wissenbachio*, distinctionem hanc ineptam vocanti, sed ipsum potius hac in parte ineptum esse clamitat. Credo autem, quemvis rusticum intelligere, nihil interesse ratione doni, siue filia suæ pecuniam det ut sibi aliquid emat in nundinis; siue ipse nundi-

nundinale donum pro ipsa comparet, & filiam utroque casu a patre donum accepisse censi debere. Ad me quod attinet, *Legem 20. de casu*, quando pater rem emit, eamque pro filia sua comparare se, ut præcipuam aliquando habeat, declaravit, *eademque res adhuc in bonis parentis post mortem ejus reperitur*, cum *Godofredo* explicare soleo. Sic patet *ratio diversitatis*; est enim hic prælegatum, absque omni quidem solennitate factum, sed a *patre inter liberos* suos disponente: *prælegatum autem non conferri*, quis est qui nesciat? Hæc igitur conciliatio cum analogia Juris & *ipsis* cit. Legis verbis conspirat, quam, quisquis dubitas, videsis ipse.

§. XXV. Apparet jam ex dictis doni perspicuitatis vera indoles. Noli tamen putare, solam docentis evidentiam discitentibus prodesse, nisi hi debitam adhibuerint attentionem; hanc autem subdole ipsis eripi ab illis, qui nihil minus, quam perspicuitatem præferunt, supra jam est observatum. Equidem difficilius est, fateor, nervos attentionis intendere, quam crepundiis ludere, h. e. gerras, jocos, scurrilitates audire: At magis adhuc onerosum est, quando ab academia recesseris, sive causas peragas, sive judicis fungaris officio, sive denique coram amicis de obvenientibus casibus judicandum sit, antea ad commentatorem recurrere practicum, & *casum*, ut vocant, *in terminis* febrili ac sæpe frustranea opera quærere, quo te negotio perspicua doctrina supersedere faciet.

§. XXVI. Perpende jam *perspicuitatis doni* requisita, quo facto, dic mihi, quid *evidentiam* doctrinæ inter & *soliditatem* jaceat discriminis? Si reperire nihil potes; si *solo nominis sono* distinguantur: Confessurum te esse confido, *solo genuinæ perspicuitatis dono omne docentis absolvi officium*. Atque ita probari id, quod mihi sumptissem, steti promissis, liberavi fidem:

Vela contraho.



F I N I S.

